



Na osnovu člana 5.30 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20) i člana 18. Poslovnika Centralne izborne komisije Bosne i Hercegovine („Službeni glasnik BiH“, br. 29/18 i 25/20), **u postupku odlučivanja o zahtjevu Grupe građana za ponovno brojanje glasačkih listića na više biračkih mjesta u Mostaru**, Centralna izborna komisija Bosne i Hercegovine je na 11. sjednici, održanoj 18.01.2021. godine, donijela

ZAKLJUČAK

Zahtjev se odbacuje kao neblagovremen.

Образложење

Grupa građana podnijela je dana 14.01.2021 godine, putem faks aparata, Centralnoj izornoj komisiji Bosne i Hercegovine zahtjev za ponovno brojanje glasačkih listića u Mostaru na biračkim mjestima 152A001B, 152A002, 152A003B, 152A005, 152A006, 152A009, 154A004, 154A005A, 154A005B, 154A006, 154A008A, 154A010, 154A011, 155A021A i 155022B.

Centralna izborna komisija BiH je utvrdila da zahtjev za ponovno brojanje glasačkih listića nije podnesen u roku od tri dana od dana kada je Centralna izborna komisija BiH objavila izborne rezultate, propisanog članom 5.30 stav (4) tačka 5) Izbornog zakona Bosne i Hercegovine i članom 4. stav (1) Odluke Centralne izborne komisije BiH o utvrđivanju i objavljivanju rezultata Lokalnih izbora 2020. godine u Gradu Mostaru broj: 05-1-07-1-1/21 od 03.01.2021. godine, kojeg datuma je i objavljena na internet-stranici Centralne izborne komisije BiH, www.izbori.ba, i da se zahtjev za ponovno brojanje glasačkih listića kao i prigovor na objavljene rezultate podnosi isključivo neposredno u sjedištu Centralne izborne komisije Bosne i Hercegovine, ulica Danijela Ozme br. 7, Sarajevo, i putem faksa broj 033/251-329 ili elektronskom poštom.

Krajnji rok za podnošenje zahtjeva za ponovno brojanje glasačkih listića bio je 06.01.2021. godine, a predmetni zahtjev je podnesen dana 14.01.2021. godine, što je nakon propisanog za dostavljanje zahtjeva za ponovno brojanje.

Iz ovog razloga je odlučeno kao u dispozitivu ovog zaključka.

Pravna pouka: Protiv ovog zaključka, u skladu sa članom 6.9 stav (1) i (2) Izbornoga zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objave ovog zaključka na internet-stranici Centralne izborne komisije BiH, koji se objavljuje dana 18.01.2021. godine i smatrat će se da je danom objave istog dostavljena podnositelju zahtjeva.

Žalba se podnosi preko Centralne izborne komisije Bosne i Hercegovine i dostavlja se putem faks aparata na broj 033/251-329, elektronskom poštom na e-mail adresu zzov@izbori.ba ili neposredno u sjedište Centralne izborne komisije Bosne i Hercegovine, Ulica Danijela Ozme broj 7, Sarajevo.

Broj: 05-1-07-5-136-2/21
Sarajevo, 18.01.2021. godine

Dostavljeno:

1. podnositelju zahtjeva
2. a/a

